



Broj: 02-11-7-4863-11/24
Bihać, 12.02.2025. godine

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj: 39/14, 59/22 i 50/24), na preporuku Komisije za javnu nabavku broj: 02-11-7-4863-9/24 od 11.02.2025. godine, u postupku javne nabavke usluga – *Održavanje integrisanog zdravstvenog informacionog sistema – AIS/BIS, LIS, PACS/RIS – LOT 3 (Održavanje PACS/RIS)*, direktor Zavoda zdravstvenog osiguranja Unsko-sanskog kantona je donio

ODLUKU o izboru najpovoljnijeg ponuđača

Član 1.

Najpovoljniji ponuđač u postupku nabavke usluga – *Održavanje integrisanog zdravstvenog informacionog sistema – AIS/BIS, LIS, PACS/RIS – LOT 3 (Održavanje PACS/RIS)*, broj Obavještenja o nabavci: 190-1-2-82-3-3/25 od 20.01.2025. godine, je Grupa ponuđača EHS d.o.o. Sarajevo i BERG d.o.o. Sarajevo sa ponuđenom cijenom od 136.398,00 (slovima: stotridesetšesthiljadatristotinedevedesetosam) BAM bez PDV-a, kojem se dodjeljuje ugovor za javnu nabavku usluga – *Održavanje integrisanog zdravstvenog informacionog sistema – AIS/BIS, LIS, PACS/RIS – LOT 3 (Održavanje PACS/RIS)*, za potrebe Zavoda zdravstvenog osiguranja Unsko-sanskog kantona.

Član 2.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke, u skladu s članom 98. stav (1) i (5) Zakona.

Član 3.

Za izvršenje ove odluke zadužuje se Stručna služba Zavoda.

Član 4.

Ova odluka objavit će se na web-stranici Zavoda zzousk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-7-4863/24, od 05.11.2024. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 356.000,00 BAM, odnosno 136.400,00 BAM za LOT 3.

Obavještenje o nabavci broj: 190-1-2-82-3-3/25 poslano je na objavu dana 20.01.2025. godine i istog dana objavljeno je na Portalu javnih nabavki.

Tenderska dokumentacija je objavljena na Portalu javnih nabavki, u skladu s podzakonskim aktima.

Komisija za javnu nabavku imenovana je Odlukom broj: 02-11-7-4863-1/24, od 18.11.2024. godine.

Komisija za javnu nabavku dostavila je dana 12.02.2025. godine Zapisnik o ocjeni ponuda broj: 02-11-7-4863-6/24, od 11.02.2025. godine i Preporuku o izboru najpovoljnijeg ponuđača broj: 02-11-7-4863-9/24 od 11.02.2025. godine, u postupku javne nabavke usluga – *Održavanje integrisanog zdravstvenog informacionog sistema – AIS/BIS, LIS, PACS/RIS – LOT 3 (Održavanje PACS/RIS)*.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, a u kojima je utvrđeno sljedeće:

- da je ukupan broj pristiglih ponuda – 1;
- da je blagovremeno zaprimljena 1 ponuda;
- da nije bilo neblagovremeno zaprimljenih ponuda;
- da je ponuda Grupe ponuđača EHS d.o.o. Sarajevo i BERG d.o.o. Sarajevo – prihvatljiva.

Pregledom, analizom i ocjenom primljenih ponuda, Komisija je utvrdila prihvatljive ponude u formalno-pravnom i tehničkom smislu, a u vezi s zahtjevima tenderske dokumentacije, te pristupila preliminarnom vrednovanju prema kriteriju za ocjenu i izbor najbolje ponude.

Komisija je utvrdila da je primljena ponuda Grupe ponuđača EHS d.o.o. Sarajevo i BERG d.o.o. Sarajevo sačinjena i dostavljena u skladu s zahtjevima tenderske dokumentacije, da sadrži sve zahtjevane elemente i dokumentaciju, te kao takva prihvatljiva za Ugovorni organ.

Nakon pregleda i analize primljene ponude u smislu pravne i tehničke prihvatljivosti i utvrđivanja ispunjenosti postavljenih zahtjeva, Komisija je pristupila ocjeni ponude prema kriteriju za izbor najpovoljnije ponude – najniža cijena.

Shodno utvrđenom kriteriju za ocjenu ponuda, a prema elementima koje je ponudila Grupa ponuđača EHS d.o.o. Sarajevo i BERG d.o.o. Sarajevo, utvrđena je preliminarna rang lista prema kojoj je prvorangirana i jedina ponuda Grupe ponuđača EHS d.o.o. Sarajevo i BERG d.o.o. Sarajevo.

Tačkom 31. Tenderske dokumentacije predviđeno je provođenje postupka e-aukcije, shodno utvrđenim kriterijima za ocjenu ponuda. Kako je u ovom postupku nabavke primljena jedna ponuda – nisu ispunjene pretpostavke za zakazivanje i vođenje e-aukcije, slijedom čega ista nije mogla biti provedena, te je Komisija sačinila konačnu rang listu shodno utvrđenom kriteriju:

Pozicija na rang listi	Naziv ponuđača	Ponuđena cijena (bez PDV-a)
1	Grupa ponuđača EHS d.o.o. Sarajevo i BERG d.o.o. Sarajevo	136.398,00 BAM

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu s kriterijima iz tenderske dokumentacije. U postupku ocjene provedenog postupka, direktor Zavoda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.


Uvidom u priloženu dokumentaciju, nesporno je da je izabrani ponuđač najbolje ocijenjen zbog utvrđenog kriterija *najniža cijena*. Shodno navedenom kriteriju, sačinjena je konačna rang-lista primljenih ponuda.

Izabrani ponuđač je izabran primjenjujući kriterij najniže cijene tehnički prihvatljive ponude, koja je ponuđena u iznosu od 136.398,00 BAM bez PDV-a, odnosno 159.585,66 BAM sa PDV-om.

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba. Žalba se izjavljuje u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH putem ugovornog organa u pisanoj formi, podnosi se u dovoljnom broju primjeraka koji ne može biti manji od tri.

Direktor

 Nermin Pašić, dipl.ecc.



Dostaviti:

- Ponuđačima koj su dostavili ponude (putem e-maila),
- Web stranica Zavoda,
- U spis/TD
- a/a

Obrada: A.M.